

**UGOVOR**  
**o nabavci robe**  
**KOMPJUTERSKA OPREMA**

Zaključen između Ugovornih strana:

**PRIRODNO-MATEMATIČKI FAKULTET Univerziteta u Sarajevu**, ulica Zmaja od Bosne 33-35, 71000 Sarajevo, kojeg zastupa prof. dr. Nusret Drešković, dekan Fakulteta (u daljem tekstu: Naručilac),

i

**IMTEC d.o.o. Sarajevo**, Bosanski put bb, 71380 Ilijaš, kojeg zastupa Safija Hadžić, direktor (u daljem tekstu: Dobavljač)

Ovaj Ugovor se zaključuje na osnovu Odluke broj: 01/01-293/11-2020 od 23.10.2020. godine o izboru najpovoljnijeg ponuđača, koja je donesena nakon provedenog otvorenog postupka, za koji je dana 18.09.2020. godine na Portalu javnih nabavki BiH, objavljeno Obavještenje o nabavci broj: 654-1-1-221-3-11/20, a u Službenom glasniku BiH br. 61 dana 02.10.2020. godine.

## **I PREDMET UGOVORA**

### **Član 1.**

Predmet ovog Ugovora je snabdjevanje **KOMPJUTERSKOM OPREMOM za potrebe Prirodno-matematičkog fakulteta Univerziteta u Sarajevu**, a na osnovu provedenog otvorenog postupka, objavljenom na Portalu javnih nabavki, broj: 654-1-1-221-3-11/20, dana 18.09.2020. godine.

### **Član 2.**

Naručilac se obavezuje da za vrijeme trajanja ovog Ugovora, a u skladu sa ugovorenim uslovima, nabavlja od dobavljača proizvode prema ponudi nakon E-aukcije, a prema specifikaciji, uz ponuđene garancije kvaliteta.

## **II CIJENE, PLAĆANJE I ISPORUKA**

### **Član 3.**

Dobavljač će snadbjeti naručioca po cijenama iz Ponude nakon E-aukcije, koja je sastavni dio ovog Ugovora.

### **Član 4.**

Ukupna ugovorna cijena za predmet Ugovora iz člana 1. Ovog Ugovora, bez poreza na dodanu vrijednost iznosi:

=55.560,00 KM

(Slovima: pedesetpethiljadapetstotinašezdeset i 00/100 KM)

Porez na dodanu vrijednost (17%) iznosi:

=9.445,20 KM

(Slovima: devethiljadačetiristotinečetredesetpet i 20/100 KM)

Ukupna ugovorna cijena za predmet Ugovora iz člana 1. Ovog Ugovora, sa porezom na dodanu vrijednost iznosi:

=65.005,20 KM

(Slovima: šezdesetpethiljadaipet i 20/100 KM)

#### Član 5.

Ugovorne strane su saglasne da se plaćanje vrši u roku od 30 dana po urednoj isporuci predmeta ugovora, te ispravno ispostavljenjoj fakturi.

#### Član 6.

Dobavljač se obavezuje da će naručene proizvode isporučiti u roku od 30 (trideset) dana po zaprimanju pismenog zahtjeva ili narudžbe ugovornog organa, mjesto isporuke FCO skladište naručioca.

U slučaju kašnjenja u isporuci roba, do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

### III TRAJANJE UGOVORA

#### Član 7.

Ugovor traje do 01.03.2021. godine.

### IV RASKID UGOVORA

#### Član 8.

Pravo na raskid ugovora zadržavaju obje ugovorne strane u slučaju da jedna od ugovornih strana ne ispunjava svoje ugovorne obaveze, s tim što su obavezne da o svojoj namjeri pismeno obavijeste drugu ugovornu stranu najmanje u roku od 30 (trideset) dana unaprijed.

### V ZAVRŠNE ODREDBE

#### Član 9.

Dobavljač kojem je dodijeljen ugovor o javnoj nabavci nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

#### Član 10.

Ugovorne strane su saglasne da se za sve što nije regulirano ovim Ugovorom, primjenjuju odredbe Zakona o obligacionim odnosima.

#### Član 11.

Ugovorne strane su saglasne da sva eventualna sporna pitanja riješe sporazumno u duhu dobrih poslovnih običaja.

Ukoliko ugovorne strane ne postignu sporazumno rješenje, za rješavanje spora nadležan je sud u Sarajevu.

Član 12.

Ovaj Ugovor stupa na snagu danom potpisivanja od strane ovlaštenih lica ugovornih strana.

Član 13.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.

**Dobavljač:**  
**IMTEC d.o.o. Sarajevo**



**Safija Hadžić, Direktor**

Broj: 3715/20

Datum: 30.11.2020. godine

07.12.2020.

**Naručilac:**  
**Prirodno-matematički fakultet**  
**Univerziteta u Sarajevu**



**Prof. dr. Nusret Drešković, dekan**

Broj: 01/01-293/23-2020

Datum: 30.11.2020. godine